

10ke
REPLIQUE
AV SIEVR. COEF-

FETEAU, SVR SA RES-
ponce à l'Aduertissement du Roy
aux Princes & Porenrats de
la Chrestienté.



A LONDRES,
Chez Iean Norton, avec Priui-
lege du Roy.

1610.

6





AV LECTEUR.

L'Auois esbauché ce discours (amy Lecteur) sur la premiere veüe de la Responce du sieur Coëffeteau au Roy, pour l'arrestor avec vne soudaine repartie, cependant que d'autres s'appresteroient à le rembarrer plus viuement. Mais quelques affaires ayant dilayé mon dessein, ce fust à moy de le rompre; peur qu'on ne creut que i'estalasse ce crayon pour vne piece bien traueillée, & qui m'auroit cousté vn long temps. Ioint que i'en vis d'autres ia sur les rangs pour faire teste au dit Coëffeteau avec plus de fond & plus de

loisir que moy. Si ne m'a til esté possible
de desrober cet essay à la curiosité de
mes amis; qui en faisant courrir la cop-
pie, m'ont contraint de la reuoir, puis
que malgré moy elle auoit à voir le
monde. Je n'y ay rien adiousté; non pas
mesmes changé les places qui tesmoi-
gnent que i'auois escri du viuant de ce
tresauguste Prince le Roy Treschre-
stien Henry quatriesme. Reçoy donc
courtoisement ce liuret, amy Lecteur;
excuse le langage d'un estranger, &
la haste d'un homme qui s'estoit donné
à tasche de resppondre tout sur le champ;
& tu impetreras de moy que ie pardône
à la trop grande affection de ceux qui
pour faire voler ce discours, m'ont mis
à la necessité de te requerir pardon.



REPLIQUE

AV SIEVR COEFFE-

TEAV, SVR SA RESPONCE

à l'Aduertissement du Roy aux Princes

& Potentats de la Chrestienté.



Monsieur Coëffe-
teau, ie pourrois
à mon aduis pre-
tendre autant de
droit de repli-
quer en Anglois
à vostre liure, comme vous de
refuter en françois le langage
commun des doctes. Sa Maiesté a
fait voler son liure en vn stile qui
ne peut estre entendu par le vul-

B

gaire,

gaire, ni ignoré, sinon par les ignorâts. Si vous auiez le cœur si braue, que de vous opposer à vn torrent tant impetueux, pour le moins le deuiez vous faire en sorte q̄ ceux qui voudroient iuger de l'vn peussent à l'esgal iuger de l'autre. Mais ie croy que vous auez esleu ce stile, pour fauoriser la curiosité des Dames, & que vous vous estes pris à vn si noble aduersaire, pour auoir l'honneur d'estre terrassé par luy. C'est imiter la conuoitise de renom, qui fist autrefois brusler le temple de Diane, & se resioüir avec certains du pays de Sogdie, qui chantoient pour estre condamnés à la mort par Alexandre. Vous, respondre à vn Roy? Respondre à vn liure adressé aux Roys, à vn suriet si important & si royal? Ce n'estoit

Estoit anciennement qu'aux Prestres de lire les liures de la Sybille, qu'aux Princes en Perse d'apprendre la Magie; & vous sans sortir de vostre cloistre, vous voulez entrer au parquet des plus grandes & plus sericuses affaires de l'univers, comme si la licence d'aujourd'huy permettoit tout à tout le monde. Encores eust ce esté trop entreprendre si vous eussiez répondu à quelqu'aulture escrit Royal fait pour vn chascun, & adressé au public: mais qui approuuera, qu'un homme retiré des affaires s'entremette de repliquer à vn Roy pour tous les Roys, & se faire ouyr pour tous les Princes, comme s'ils n'auoient pas eux tous vne lague pour respondre? Le tiltre des liures vous condamne. Le Roy escrit aux Rois

4 *Replique au S.Coëffeteau,*
& Princes. Vous y respondes. Confessez que c'est sans propos, ou no^o montrez vos seigneuries. Que si c'est en vertu du priuilege imprimé sur le front de vostre liure, que vous croyez auoir licence de tout faire, il me suffit de vous dire, que ceux qui vous ont donné ceste belle main-leuée, auront autant de peine à l'excuser, que vous à iustifier vostre discours. Je confesse qu'un grand Roy, empeché au maniement de tant de choses, peut dire, quasi avec vn Capitaine Romain, qu'il ne peut tousiours ouyr les muses pour le bruit des affaires plus importants. Je confesse, di-ie, que ce n'est pas à vn grand Prince de se dōner tousiours le loisir d'examiner les liures qui se presentent coup sur coup à la presse, par vne certaine

certaine maladie de ce siecle, qui
perſuade à vn chaſcun, que pour e-
ſtre docte il ne faut que brouiller
& emplir quelques cayers de la
vanité de ſes imaginations. Mais
auſſi que ces miniſtres ordonnez à
cenſurer ou approuuer ce monde
d'eſcriuains, ſe licencient de tant
que de ne rapporter à la cognoiſ-
ſance de leur maïſtre les choſes qui
luy importēt, & paſſer ſous meſme
reigle ce qui touche quelque point
de Philoſophie, & ce qui viſe à l'e-
ſtat, ou à l'honneur de leur Prince,
ce me ſemble choſe plus deſrei-
glée, & avec plus de danger, que
tout le deſbordement des liures
ſur lequel ils ſont commis. Quel
plus grand tort pouuoit on faire à
la prudence du Roy Treſchreſtien,
que nous recognoiſſons avec vous

6 *Replique au S.Coëffeteau,*

vn des plus iudicieux & auisez
Princes de la terre, que de se seruir
de son autorité, à faire voler vn li-
ure, que luy-mesme eust estouffé
en son berceau s'il eut esté aduerti
de sa naissance. Y a-t'il apparence q̃
le Roy Treschrestien, qui n'auoit
voulu permettre la traductiō fran-
çoise du liure de son trescher frere,
ayr auoué la responce françoise
que vous y faites ? Nous auons
creu, qu'il ne vouloit pas q̃ le me-
nu peuple s'amusast à discourir sur
vne matiere si haute, & qui ne luy
touschoit de rien: qu'à ceste cause
il estoit bien aise que ce liure fust
veu en Latin, mais non pas profané
par toute sorte de langue. De mes-
me que les principaux mysteres
des anciens ne se communiquoy-
ent pas à tous, & qu'auiourd'huy
encores

encores vous dites vostre Seruice en Latin. Cestoit la plus honneste, comme aussi la plus vraye cause, que nous pouuions alleguer sur ceste prohibition de sa Maiesté Treschrestienne, laquelle autremēt eut peu sembler n'auoir pas eu tous les esgars à la Maiesté d'un bien grand Roy, & encor meilleur amy. Permettez nous de continuer à bien iuger de vostre Roy, & d'imputer la faute de ceste inconsideré priuilege à ceux qui vous l'ont donné, ou si la charité vous commende de tant prenez en le fardeau sur vous mesme. Non que ie croye, que ces grands hommes, ces hauts & supremes magistrats de la France ayent part à ceste faute. La chose parle pour eux, & en charge quelques petits finets, qui pour le gain des

imprimeurs ne manquent iamais de semblables permissions. Que si vous alleguez ce respect avec lequel vous avez traité le Roy, si vous nous voulez faire croire, qu'il vous est encor tenu, pour luy auoir remonstré hūblement ce que vous trouuiez à redire en ses escrits, sachez que vous en deuez auoir perdu le grammerci par l'impression de vostre liure, que monstre assez, que ce n'est pas pour le bien particulier de sa Maiesté, mais pour vostre gloire qu'il est escrit, & que vous ne desirez pas le conseiller, mais le combattre. Mais pour imiter ce grand Marius, qui fust le premier à contredire à ceux qui allegoyent certaines causes pour ne porter tesmoignage contre luy : ie passeray ce point de vostre incapacité

pacité à refuter vn si grand Roy. Voyons pour le moins avec quelle dexterité vous le faites. Peut estre que le lustre & l'esclat de vos raisons suffira pour dissiper l'obscurité de leur auteur. Il faut que ie tranche tout court, & pour vous traiter courtoisement, que ie vous appelle vn grand parleur, vn discoureur sans fondement & sans raison. Qui pourroit croire, qu'en vne si loügue replique, en vne telle suite de parolles & de citations, vous ayez à peine touché le neud de l'affaire qui a donné suiet au Roy d'enuoier son aduertissement aux Princes? N'est ce pas faire enfanter vne souris à quelque grande montaigne, de bastir ce frontispice à vostre liure, *Responce à l'Aduertissemēt, &c.* & puis vous amuser à des choses qui

10 *Replique au S. Coëffeteau,*

qui ne sont pas du corps de l'Ad-
uertissement; sans faire mention du
cōbat pour lequel vous auiez fait si
solennellement vostre cartel? Ce
liure mesme que vous auez pris à
censurer, vous montre bien que
vous vous estes mespris. Il vous as-
seure que le commencement de la
dispute est venu pour vn serment
de fidelité que sa Maiesté vouloit
luy estre presté par les Catholiques
Romains de ses Royaulmes. La
substance du serment est, de iurer
qu'ils ne croient pas qu'il soit en
la puissance du Pape, soit dire-
ctement soit indirectement, de
deposer sa Maiesté de ses Roy-
aulmes, & absouldre ses suiets du
serment de fidelité, qu'ils luy ont
presté à son auenement à la Cou-
ronne. C'est en effect toute la force
de

de ce ferment. Le Pape marry de voir en peril, nō vn point de la religiō, ou l'autorité de l'Eglise, mais ceste superbe & funeste dominatiō temporelle, que quelques vns de ses deuanciers ont vsurpé sur les Princes, sans touteſſois l'oſer mettre entre les articles de la foy, ny la baptizer de plus droit nom, que de puissance indirecte, marry di-ie de voir caſſer par ſes propres Catholiques ceste immense & infinie pretēſion, deſpeche vn brief par deçà, & incontinent apres vn autre, par leſquels il defend à ceux qui le recognoiſſent pour chef de la Religion, d'obeyr à la loy, & ſe reſoudre à ce ferment. L'Archipreſtre d'Angleterre, homme venerable entre les ſiens, tant pour ſes meurs que pour ſa doctrine & ſa place,
fuſt

fust d'aduis, qu'il ne s'agissoit que du temporel, que le Pape ne pouvoit dispenser les Catholiques de ce iuste serment que leur Prince leur presentoit. Luy mesme s'y obligea de son bon gré, & y inuita les autres par vn exemple tant signalé. La Maïesté du Cardinal Bellarmin (il m'auouëra de ce tiltre, puis qu'il met les Cardinaux dessus les moindres Princes, pour les faire compagnons de plus grands Roys) en escriuit vne longue missiue à cest Archiprestre, pour le faire reuolter de sa resolution. Et sans faute beaucoup de Catholiques, des plus simples, & qui ne sçauent distinguer entre le Pape & la Religion, se retrouuoient en de grandes difficultez entre le cōmandement du Roy & l'autorité de ces deux briefs, fortifiez

fortifiez de la preiugé erudition de Bellarmin. Ce fust cela qui mit la plume en la main de sa Maiefté, & luy fit traſſer vne Apologie pour le ſerment de feaulté, en laquelle il faiſoit ſoy de l'intention du legiſlateur, qui n'entendoit par ce ſermēt de toucher à aucun point de la religion; adiouſtant que le Pape n'eſtoit point receuable en ſes prohibitions, puis qu'il n'eſtoit queſtion que d'une choſe temporelle, & qui ſans esbranler l'Egliſe ne viſoit qu'à l'aſſeurement de l'Eſtat.

Ceſte Apologie, pour pluſieurs bonnes raiſons, fuſt miſe à la veüe du monde, ſans eſtre parée de l'auguſte nom de ſon autheur; & Bellarmin la prit à partie, avecque des parolles tant outrageuſes, que ſa Maieſté iugea que pour cōfondre
ce

ce nouueau geant, il n'y auoit meilleur moyen, que de publier son audace, & en faire rire tout l'vniuers. Et pource que la cause luy estoit cōmune avec tous les Rois & Princes, qui n'ot moins d'interest q̄ luy à conseruer leurs couronnes, & affranchir leur domination temporelle de cest esclauage Romain, il vouloit que son Apologie fust remise sous la presse autorisée de son nom, y adioustant vn aduertissement aux Princes, qui contenoit principalement deux points. L'vn, pour les asseurer que ceste nouuelle question entre luy & le Pape, n'estoit pas meüe sur aucun different de la religion, mais seulement pour la deffense de l'autorité des Roys, contre la pretension des Papes, qui croient pouuoir tout & quantes

quante fois qu'ils le trouueront bon, donner en proye les Royaulmes, & en disposer à leur plaisir. L'autre, pour faire veoir à tous les Princes de combien ceste affaire leur importe, qu'il n'y va pas de son particulier, & que chascun pourra sentir à son tour quelque esclat de ce grand foudre, si tous ensemble n'en dissipent la nuée. C'estoit le vray fondemēt & l'vnique suiet de l'aduertissement que sa Maiesté adressoit à tous ses freres & alliez. Mais pource que Bellarmin en son outrageuse responce n'auoit pas rougi de l'accomparrer à l'Apostat Iulian, & en vn autre passage luy auoit desnié le nom de Chrestien, le Roy qui mōstre assez son zele en se faschant de ceste iniure, voulut publier au monde sa creance, & en
faire

faire vne bien ample profession. Aussi se voulut il esguayer sur l'interpretation de l'Apocalypse, non comme sur vn suiet principal ou decisiõ resoluë en sa creance, mais pour contrequarrer ceste trop dissoluë ambition de Rome, & faire veoir qu'il seroit plus aisé de prouuer par l'Ecriture que le Pape soit l'Antechrist, que d'en tirer des argumens pour establir ceste absolue monarchie qu'il pretend sur tous les Princes.

Voila en peu de mots le sommaire de l'Aduertissement Royal, voyons maintenant de quel biais vous le prenez pour le combattre. Deuiez vous pas attacquer la principale question, & qui a causé tout le debat ? sçauoir, si le Pape, soit directement soit indirectement, peut

peut desplacer les Princes & Rois,
& en esleuer d'autres en leurs sie-
ges. Deuiez vous pas nous resou-
dre de vostre opinion, & puis re-
futer celle du Roy? Au contraire
vous auez fuy la lice, & recognois-
sant que vous ne sçauriez toucher
ce brasier sans vous brusler, l'auetz
couuert de quelques eschappatoi-
res toutes friuoles, desquelles la
principalle a esté de balancer entre
l'ouy & le non, & pour interpreter
vos paroles selon les lieux où vous
vous retrouuerez parler tousiours
à deux ententes. Tout le fil de vo-
stre liure ne court que sur la profes-
sion que le Roy fait de sa creance,
afin que les Catholiques pensans
que ce soit le but du Roy de ren-
uerfer la religion par ses escrits, se
rangent à vostre partie, & croyans

C

abban-

18 *Replique au S. Coëffeteau,*
abbandonner le Roy, trahissent eux
mesmes leur liberté? N'est-ce pas
vne mauuaise ruse, de tirer les cho-
ses d'Estat en la dispute de la Re-
ligion, & en faueur de l'vn faire in-
iustement passer cōdamnation sur
l'autre? Ce fust la finesse d'Eumenes
à abuser ses soldats, lesquels il fit
combattre à l'encontre de Crate-
rus, & le tuer luy mesme sur la place
auant qu'ils sceussent quelles gens
ils auoient à affronter. Et vous dis-
simulant la vraye cause de la que-
relle, animez les cœurs sous ombre
de la Religion contre le defendeur
dubiẽ public. En vn mot, vous vo'
trompez si vous croyez auoir re-
spondu au Roy. Vous impugnez
vne p̃fession de foy receuë en effect
par la plus part de ceux qui se sont
retirez en ce dernier siecle de l'o-
beissance

beifsâce de Rome; & qui a esté disputée par les plus grâds esprits de toutes les deux religions. Ainsi n'avez vous rien fait de nouveau, faisant vne collection ou reditte des arguments & des passages qui ont esté reiterez depuis cēt ans par vne multitude presque infinie de grans auteurs, & si n'est pas au Roy que vous vous prenez, mais à Luther & à Caluin, & autres subtils esprits qui ont remué l'estat de la religion. A quel propos dōc ce braue tiltre, *Responce à l'Aduertissement du Roy de la grande Bretaigne*? Vous deuiez mettre, Examen des points mis en controuerse par Messieurs les Protestants. Maintenant la vanité de ce tiltre vous rend coupable d'un attentat, duquel en cōscience vous n'estes pas moins exempt que ces

20 *Replique au S.Coëffeteau,*
trois cents dont vn chascun se van-
toit d'auoir tué le viel Galba.

Vous excuserez vous point sur
ce qu'un homme de vostre qualité
ne doit sortir de ses estudes, & que
vostre dessein n'estoit que d'escri-
mer de vostre Theologie? S'il est
ainsi, que n'en aduertissiez vous
vostre lecteur? Pourquoy faites
vous semblant d'esbranler vn bien
grand arbre, & ne vous employez
qu'à effeuller quelques rameaux?
Non que ie nie que les affaires de
la Religion ne soyent plus excel-
lentes, & d'un importance tout au-
tre que ce qui concerne l'Estat. Je
confesse, que rien ne doit marcher
du pair avec le soin de nostre salut,
& qu'on se trompe si on y pense ar-
riuer par aultre voye que par l'uni-
que verité. Qu'il n'y a di-je qu'une
verité,

verité, & qu'à recercher où elle
gist on ne peut vser de trop exacte
diligence. Mais aussi me mocque
ie de ceux qui à tout propos nous
en ammenent la dispute, & croient
payer suffisamment leur partie s'ils
s'eslargissent en ce suiet : comme
ce premier Caton, qui sur toutes
les affaires qui se digeroient au Se-
nat, disoit son opinion sur le sacca-
gemēt de Carthage. Puis donques
qu'il s'agissoit d'une matiere d'E-
stat, concernāt voirement le Pape,
mais non pas en matiere de la foy,
pourquoy vous estes vous amusé à
disputer de la foy, ou que ne prote-
stiez vous q̄ ce n'estoit pas le corps
du liure du Roy que vous preniez à
party, mais bien sa religion ?

*Vous croyez que la iuste douleur
d'auoir veu quelques Catholiques con-*

22 *Replique au S.Coëffeteau,*

spirer contre sa vie & contre son Estat,
luy fait auoir leur religion en horreur,
se figurant qu'elle les a induits à vne
entreprise si detestable. C'est à ton
que vous vous laissez porter à ces
sinistres soupçons. Ce cruel parricide
duquel vous faites mention,
donne autant de lustre à la bonté
de nostre Roy, cōme vous croyez
qu'elle l'offusque par le broullas
d'une longue & vengeresse seuerité.
Quel tesmoignage plus signalé
d'une clemence Royale, qu'apres
s'estre veu à sept ou huiët heures
pres de sa fin, voir de la fin de sa
race & de sō Estat, & ce par l'abomi-
nable trahison de quelques vns de
ses suiets, qui ont soustenu iusques
à la mort, qu'autre chose ne les a-
uoit resolu à vn attentat si estrange
& barbare, q̄ le bien de leur Eglise,
de

de ne s'en estre resenti que sur les
coupables, sans estendre la feueri-
té d'un iuste soupçon sur les autres,
qui pour aimer autant la mesme E-
glise sēbloiēt capables de mesmes
deliberations? Mais il n'y a point
d'amertume qui puisse aigrir la
douceur d'un si bon Roy. Ce luy
fust assez que les Catholiques luy
iurassent vne entiere obeissance,
sans endommager leur creance, ou
promettre aultre chose contre le
Pape, sinon de ne croire pas qu'il
puisse oster la Couronne à leur
droit & legitime Seigneur. Trou-
uez vous que ce soit auoir en hor-
reur leur religion, & espendre sur
les innocens vne haine conceuë
contre le crime des parricides? fust
ce imiter la rigueur de Macedoine
où toute la race d'un criminel de

leze Maieſté deuoit perir , ou la douceur de ce grand Prince , qui aimoit mieux ſauuer vn citoyen, que tuer dix ennemis ? Et quant à ce que vous amplifiez la douceur de l'Egliſe Catholique , ſes prieres pour les Princes , & ſes ſouhairs pour la ſeureté de leurs Eſtats , il faut que ie vous demande ce que vous entendez par l'Egliſe. Si c'eſt des Papes q̄ vous parlez , auſquels conſiſte le maniement & ſouueraineté d'icelle , il faut vous renuoyer à quelques Papes , qui vous diront que vous promettez trop de leur bonté, & de leur amour enuers les Roys. Henry IIII. Empereur a bien ſçeu , ſi Gregoire VII. luy ſouhaittoit *des armées victorieuſes, vn peuple obeiffant , vn conſeil fidelle,* & tout ce qu'on peut ſouhaitter d'heu-

d'heureux à la grandeur d'un Empereur. C'est avec horreur que ie vois dans les histoires les sanglantes & furieuses batailles qui penserēt renuerser toute l'Europe sous ce Henry, sous un Othon, un Frederic, & autres Emperours trauallez par les censures des Papes; & si vostre païs vous touche de plus pres, quel tour d'amy de Boniface VIII, au Roy Philippe le Bel? de Iules II, à Loys XII, & de celuy mesme Iules à lehan d'Albret Roy de Nauarre? Si vous estes bon François vous larmoyez à la souuenance, voir à la veüe de ceste playe qui saigne encor. Et pour venir à l'Angleterre, sçauiez vous pas avec quelle modestie & affection fust traitté Henry 8. pere de nos trois derniers Souuerains? Dōnez nous donc

26 *Replique au S. Coëffeteau,*
donc quelque parente signée du S.
Esprit, que le conclaue ne mettra
plus sur le siege de S. Pierre, de ces
Gregoires, Bonifaces, Iules, Cle-
mens, & autres qui se sont portez
à pareilles violences, & puis nous
croirons quelque chose de ceste as-
seurance que vous donnez à tous
les Roys. Que si vous alleguez le
demerite de ceux que l'Eglise a
chastié, ie vous prieray d'attendre
la responce, tant que l'ordre de vo-
stre discours m'aura conduit à ce
point là.

Mais quant à ce que vous dites,
que le Pape ne pourra iamais trouuer
mauuaisés les voyes que sa Maiesté
tiendra pour assseurer son authorité &
sa personne contre de si miserables des-
seins, moyenant qu'elles n'offencēt point
la religion, ie croy que vostre encre
estoit

estoit en perfection noire , puis qu'elle n'a pas rougi d'asseurer ce dont le contraire est autant vray comme cogneu par tout le mōde.

A quel propos tous ces briefs, tous ces monitoires de Rome , pour empecher le serment de fidelité, si le Pape ne se veut formalizer que pour la religion? Quel point de la religion se traitoit en ce serment, sinon de ceste religion naturelle qui nous oblige à servir fidellement nos Princes? Et toutefois si le Pape n'eut trouué mauuaise ceste treslegitime voye que sa Maiesté tenoit pour asseurer son autorité & sa personne, le debat ne se fut enflammé si auant, peut estre au dommage de Rome, & si n'eussiez eu la peine de produire vos lieux communs sur les points
con-

trouuer les de la foy. Voyez commēt
on demeure en des termes bien
raisonnables sans que les parties
soyent d'accord. Si vous n'estimez
que le Roy soit hors de raison de
vouloir faire recognoistre sa puis-
sance tēporelle independāte d'au-
tre que de Dieu; ou que le Pape en
soit d'accord, qui s'y oppose avec
vne si violāte passiō. Pource qu'ad-
ioustez du Pape Clement VII,
c'est merueille cōment ses pensées
vous peuuent auoir esté reuelées,
car d'elles seules pouuez vous a-
uoir tiré ceste science qu'il ayt de-
siré l'establissement de sa Maiesté
en Angleterre, tous autres indices
& coniectures ne pouuans ser-
uir qu'à vous prouuer le contrai-
re. Le Roy n'estoit pas de sa reli-
gion; il faisoit publique profession
d'yne

d'une autre, & cependant il commande par Bulles expressees aux Catholiques de s'esuertuer à faire tomber la Couronne entre les mains de quelqu'un zelé pour la religion Romaine, adioustant qu'on n'eust esgard à la proximité de sang, ni au droit hereditaire des descendants du Roy Henry septiesme, duquel sa Maiesté tient aujourd'huy & le droit & la Couronne. Estoit-ce frayer le chemin au Roy d'Escoce pour venir à l'heritage de ses ayculx, ou luy preparer des ennemis auant la main, & enuenimer les courages sur le point d'un tel changement, où la moindre dissention est perilleuse, & quasi toutes les playes données à l'Estat hors d'espoir de guerison? Le passe ici ceste excuse que vous faites pour les Papes,

Papes, que vous assurez ne pretendre rien sur la temporalité des Roys, & ceste assurance que les Princes Catholiques, à ce que vous dites ont pris de ne se voir iamais molester, & en peril de leurs estats, par les pretentions de Rome. Vous nous rammenerez plus à propos à ceste mesme dispute, quant vous aurez employé quelques pages à la louange des Cardinaux; où vous entrez par vn sinistre commencement, & comme par ceste porte que les anciens Romains surnommoient la malheureuse. Car pour plaider pour le general des Cardinaux vous parlez premieremēt de Bellarmin, lequel vous faiçtes venir en ieu par vne defense generale de ceux qui se sont portez violemment en leurs escrits contre le

Roy.

Roy. Vous dites, s'ils ont ignoré qu'il eust fait luy mesme ceste Apologie qu'ils ont attaquée, qu'ils sont exempts de crime, & que s'il le zele les a transportez, ils meritent quelque pardon. Mais pour estre bon aduocat de celuy qui a voulu tacher par sa mesdisance le souverain & celeste lustre d'un Roy, il ne falloit q̄ se mocquer de la temerité du coupable, & tourner la collere du Prince en mespris de sa petitesse, & compassion de sa folie. C'est à tort que vous croyez que sa Majesté se soit fort piquée de l'audace de ces temeraires : ce luy est assez d'avoir monstré à tous les Princes l'insolence de ceux qui sous ombre de s'attaquer à un Roy veulēt sap- per la puissance de tous les autres. De dire qu'elle s'en soit d'avantage passionnée

passionée ou qu'elle en ait recherché la vengeance, ce seroit trop honnorer leur crime, & rabaisser de la magnanimité d'un Roy qui ne se prend qu'à ses semblables. Vous estes marry que Bellarmin a part à cette disgrâce; comme s'il auoit (ce dites vous) voulu esgaler son pourpre de Cardinal à la splendeur de vostre Couronne. La modestie d'un si grand personnage, la cognoissance qu'il a de son rang, & les bonnes lettres qui polissent les esprits semblent deuoir faire iuger plus doucement de ses intentions. Si vne ambitieuse demangé son de monstrier vos conceptions au mōde vous eut donné le loisir d'attendre la replique de Bellarmin sur le liure de sa Maiesté, vous eussiez rayé ce trait de vos escrits qui vous accuse d'ignorance de la presomp-
tion

tion des Cardinaux, ou de mauuai-
se foy à desguiser la verité. Ne vous
mettez plus en peine à dresser vne
defence pour Bellarmin, qui cōme
en despit de ses aduocats, se veut
accuser soy-mesme. Vous aurez vn
maigre grammercy de Rome, de
vouloir nier ce qu'ils auouēt, &
pour pallier leur vanité renoncer à
leurs pretensions. Je passeray plus
oultre, pour vous dire, que si vous
estes bon François, & digne que
vostre naissance ce soit rencontré
sous la meilleur & plus excellente
forme de gouuernement qui soit
au monde, c'est à dire, sous vne flo-
rissante Monarchie, vous aurez en
abomination la superbe de ceux
qui veulent esgaler leur pourpre
de Cardinal à la splendeur d'une
Couronne; chose, qui eut fourni

34 *Replique au S.Coëffeteau,*
de pl^r propre & plus digne subiet à
vostre plume, que celuy-cy q̄ vous
auez bien legerement esleu. C'est
à Bellarmin à qui vous auez à faire,
c'est à luy à qui vous deuez prou-
uer qu'il a autre intētion que celle
qu'il nous tesmoigne par ses es-
crits. Vous n'estes pas encores à
voir ceste replique qu'il a publié
contre l'Aduertissement du Roy;
ny à vous fascher de voir ce mas-
que que vous auiez taillé à propos
pour cacher sa vanité foulé au
pied par de nouuelles parolles d'v-
ne estrange presumption. Vous
voyez que le Roy a esté plus heu-
reux en ses coniectures que vous.
C'est à l'Empereur & autres Prin-
ces Chrestiens que Bellarmin ad-
dresse sa replique, pour ne se mon-
stre en aucune chose moindre que
sa

sa Maiesté, qui leur auoit dedié son Aduertissement. Ce n'est plus à demi ny en cachette, mais tout à descouuert qu'il veut establir son thronne en pareil estage que celuy des plus grands Roys; & pour monstrier que ce n'est pas en passât qu'il touche ceste corde de la grandeur des Cardinaux, & que ce qu'il en dit ne luy est pas eschappé parmi l'embrassement de quelque aultre dispute, il en discourt tout le long de son quatriesme Chapitre, qu'il intitule, *De la comparaison des Roys & des Cardinaux*, tiltre suffisât pour faire deschirer le liure entre des impatientes mains, & en rendre abominable la conception à tous les bons & iudicieux esprits. Là ne se contentant de la puissance spirituelle, en vertu de laquelle il prefere

simplement les moindres Diacres
aux plus grans & puissans Princes,
il vient encores à debattre contre
les Roys le premier lieu de la gran-
deur & Maïesté temporelle. Il dit
que les Cardinaux ont eu de tout
temps l'honneur d'estre contez en-
tre les plus signalez ministres de
l'Eglise Catholique, Electeurs des
Papes, Conseillers de leur estat, &
comme leurs collateraux à la deci-
sion de leurs affaires. Que ceste
grandeur de laquelle ils iouissent
aupres des Papes, les a rendu vene-
rables à la Chrestienté: & que tous
les aultres Princes leur cedant le
premier lieu, ils sont demeurez cō-
paignons des Rois, non par la con-
niuece d'iceux Roys, & la reue-
rence de laquelle leur pieté a tous-
iours honoré l'Eglise, mais par le
droit

droit & la maiesté de leurs offices. Encores ne luy est-ce pas assez de marcher du pair avec les Roys. L'ambition n'a point de bout, & passant toutes les grandeurs du monde, en fin se perd dedans l'infini de ses imaginations. Vous avez raison de dire, que Bellarmin *n'a pas voulu esgaler son pourpre de Cardinal à la splendeur d'une Couronne royale* : il veut tirer oultre, & laisser les Roys à dos. I'aurois honte de l'accuser d'un si estrange fait, si ie n'auois pour garant ses propres termes qu'il n'a pas eu honte de coucher en ceste sorte. *Si donc tous les Euesques sont plus grands que les Roys, à plus forte raison les Euesques Cardinaux seront plus grands que les Roys.* Ce que ne se peut entendre que de la temporalité, veu le fil de

38 *Replique au S. Coëffeteau,*
son discours, & qu'icy il ne fait mention que des Euesques, là où traittant de la spiritualité il met les Prestres & les Diacres deuāt les Roys. Quelles excuses trouuerez vous à vne si insolente presomption, ou plustost quelles larmes espondres vous de voir la honte de ces Noës si descouuerte, q̄ la robbe de leurs enfans ne leur sert plus à la cacher? Ostez donc ceste clause de vos papiers, que le rang que les Cardinaux tiennent, la qualité dont le chef de l'Eglise les a honorez, & les seruices qu'ils font à la Chrestienté, les ont rendus venerables aux Roys & aux Princes: avec lesquels tant s'en faut qu'ils veuillent marcher du pair, que les Princes ne trouuent point de plus respectueux sujets que ces grands hommes: ou bien faites quelque distinction entre les
Cardi-

Cardinaux qui viuent en France & ceux là qui sont à Rome, & nous confessez que les vns flattent le Pape du tiltre de souuerain Monarque, contre la verité de la foy, & les autres se soubmettent aux Princes & Roys, contre l'aduis & la doctrine de tout le corps des Cardinaux.

Vous faictes suiure les Iesuites, comme ceux qui à la verité talonnent de plus pres la grandeur des Cardinaux, dedaignans de se soubmettre aux Euesques, & fuyans la solemnité des processions, pour n'y pouuoir gagner encor le premier rang, & non plus que des Césars se contenter du second. Je ne veux pas que vous croyez que la passion m'emporte. Ce me sera assez de dire, qu'ils n'ont iamais vou-

40 *Replique au S.Coëffeteau,*

lu fleschir aux iustes demandes du Roy,ny addoucir les soupçons qui les rendēt odieux à tout l'Estat.Vn ancien disoit,qu'il ne falloit hanter qu'un Spartiate pour cognoistre toute leur ville. Les Iesuites sont tous frappez en mesme coin, de ne desdire iamais le Pape. Leur auenglée obeissance les empesche de recognoistre si c'est cōme Euesque Romain, ou homme passioné qu'il dresse ses commendemens. Aussi n'en auons nous veu pas vn qui se soit laissé persuader l'equite de nostre serment de feaulté, pas vn,dis-je, entre tant de Prestres & aultres zelez en la religiō Romaine,qui s'y sont volontairement portez. Vous n'estes pas bienheureux en Cliens, defendāt tousiours ceux là qui font gloire de ce que vous estimez di-

gne

gne d'excuse. Le Roy ne se peut
asseurer des Iesuites, qu'entant
qu'il s'asseurera du Pape; ny se des-
fier du Pape que par le ministere
des Iesuites. Ce qui n'est pas parti-
culier à nostre Maistre. Tous les
Roys en sont de mesme. L'Estat de
Venise est Catholique. Les Iesui-
tes y fleurissoient, & cependant vn
leger interdit du Pape les rendit
ingrats à leurs bienfauteurs, & in-
capables de leurs bienfaits. Je l'a-
pelle vn leger interdit, puis qu'il ne
concernoit que le temporel, au di-
re des plus affectionnez Catholi-
ques, qui voyans l'accord du Pape,
ayment mieux croire qu'il ne s'y a-
gissoit que de l'Estat, que de con-
fesser qu'il ayt, tant soit peu, des-
mordu de sa spiritualité. Il en fera
par tout de mesme. Leur amitie se
tour-

tournera au vent de Rome, à peine d'un second Ostracisme, & d'une playe d'eschef aussi seconde que celles du serpent de Lerne.

En fin vous faites venir le Pape derrier l'escadron de sa garde de lesuites. *Il est, dites vous, necessaire, que S. M. soit mieux informée des qualitez du Pape, pour n'auoir plus en horreur sa puissance. Elle la croyt tyrannique, par ce qu'elle pense qu'elle s'estend sur le temporel des Roys, & qu'elle s'en attribue la disposition absolue. Vous entrez en vne belle carriere & biē propre au combat, si vous eussiez eu le cœur d'attaquer vos ennemis. Mais vous y faites du neutre, & comme ceux que conduisoit Metius, vous vous retirez des coups tant que la fortune ayt decidé de la bataille, & montré le plus asseuré parti. Voi-*
ci

ci le neud de l'affaire, le fondement de la querelle, & en vn mot tout l'Aduertissement du Roy. Vous vous y portez en sorte qu'on ne scauroit deuiner vostre opinion, & que ie suis contraint de vous demander en conscience à quel parti vous vous rangez. Icy vous dites, *que les Papes ne pretendent rien sur la temporalité des Princes ; qu'ils n'ont pas la puissance de disposer à leur plaisir des biens & de Couronnes des Princes, & beaucoup d'autres beaux mots sur ceste protestation. D'autre part, vous asseurez, que si les Princes se departent de leur deuoir, & qu'au lieu de deffendre la foy ils la veulent ruiner, c'est au Pape à redresser les errans, & d'y apporter ses iustes Censures, afin de destourner le malheur qui menace la religio. Vous vous deuiez*
ouuir

44 *Replique au S. Coëffeteau,*
ouurir dauantage , & nous faire
ſçauoir quelle puissance tēporelle
vous deniez au Pape , & auſſi de
quelles cenſures vous parlez. Il eſt
queſtion, ſi le Pape peut, en vertu
de ſes cenſures, ſoit directemēt ſoit
indirectement, depoſer vn Prince
ſouuerain, & le priuer de ſes Eſtats.
Ne deguiſons plus l'affaire ; en vn
mot qu'en croyez vous ? Si vous di-
tes que non ; que la ſentence d'ex-
communication ne porte coup que
ſur les ames ; q̄ les Princes deme-
rent Princes , & ne perdent pas les
royaulmes pour ſortir de l'Egliſe,
qu'ils n'ont pas acquis pour y en-
trer ; ſi di-je vous eſtes de ceſt aduiſ,
que ne le dites vous aſſeurement, &
pourquoy combattez vous vn liure
conforme à voſtre opinion ? Au
moins que ne dōnez vous ce point
gai-

gaigné au Roy, sans l'embrouiller
par l'ambiguité de vos parolles ?
que ne donniez vous ce contente-
ment à tant de Catholiques (qui ge-
missent de voir les Papes qu'ils tien-
nent pour chefs legitimes de la re-
ligion, s'emparer d'une tyrânie sur
l'Estat) de se resjouir de la liberté
de vos escrits, liberté plus Eccle-
siastique q̄ tous les priuileges dont
l'ordre Sacerdotal se voit doué.
Mais si vous estes de l'opinion cō-
traire, si vous n'attendez que quel-
que temps & occasion plus seure
pour vous declarer Papiste, pardō-
nez moy si ie vous dis, qu'autant
de parolles qu'auuez escrit de la sou-
ueraine puissance des Princes, au-
tant de mots qu'employez à les as-
seurer que iamais Rome ne leur
nuira, sont autant de pieges q̄ vous
leur

leur dressez, autant d'amorces dōt vous couurez le hameçon, qui les peut vn iour liurer à la cholere ou inimitié des Papes. Ie ne vous menaceray pas de la fureur du magistrat, ni de l'exēple du Theologien, qui se vit tout droit mener des escholes en la prison, pour auoir soutenu cette puissāce indirecte. Aussi n'est-ce pas vne reigle infallible de la verité, de suiure ce qui se croit ou ne se croit pas par ceux qui maniēt l'Estat, à qui souuent le moment de cette vie semble plus cher que l'immortalité de l'autre. I'aime mieux vous faire trembler sous la force de la verité, que vostre iugemēt & vos lettres ne vous permettent pas de mesconnoistre.

Vous dites que les Papes ont reconnu les Roys & Empereurs
pour

pour Souuerains en leurs Estats. Qu'ainsi l'asseure le Pape Nicolas à l'Empereur Michel, le Pape Innocent au Roy Philippe le Bel, & que telle est la cōmune creance de l'Eglise. Puis que les Papes q̄ ont rendu tesmoignage de cette authorité des Princes, estoient infallibles en la verité de leurs decrets, comment pourrez vous defendre les autres qui se sont voulus mesler de la temporalité, & renuerfer tout le monde pour fonder leur seigneurie sur les ruines? Comment ferez vous vn mesme esprit parler par la bouche du grand S. Gregoire, qui se confesse seruiteur de l'Empereur, & suriet à ses commandemens, iusques à faire proclamer vne loy inique pource que son Prince le vouloit ainsi; & par la bouche d'un Pie & d'un

d'un Sixte, tous deux V. du nom,
qui en leurs Bulles contre nostre feu
Reine & le Roy Treschrestien der-
nier mort, auouënt en termes ex-
prés, qu'ils ont vne souueraine puis-
sance sur tous les Princes, peuples,
& nations; puissance non deriuée
des hōmes, ny fondée au consente-
ment de leurs suiets, mais donnée
du ciel aux Papes, & contre qui
nulle puissance de la terre ne sçau-
roit pretēdre exceptiō. Qu'en ver-
tu de cette souueraineté (peur q̄ ne
les excusiez sur entente de la spiri-
tualité) l'un de posoit la Reine du
throsne de ses ancestres, avec com-
mandement de la poursuiure com-
me ennemie du public; l'autre pre-
scriuoit vn temps au Roy dedans le
quel il rendroit conte à Rome du
meurtre cōmis en la personne d'un

Cardi-

Cardinal ; & ce sous non moindre menace, que du grand foudre, par lequel ils croyent effacer le caractere de la Maiesté royalle. C'est bien artiere du respect que le grand Gregoire portoit au Prince qu'il auouë pour son maistre ; c'est bien contre l'opinion de ces Chrestiens qui disent par la bouche de Tertullien, qu'ils recognoissēt qu'il n'y a qu'un Dieu qui ayt puissance sur les Empereurs, apres lequel ils sont les premiers deuant tous les dieux & sur tous les hommes. C'est en fin contre la doctrine des Peres, dont les vns prennent ce passage de David, l'ay peché à toy seul, pour prouuer que les Roys ne pechent qu'à Dieu, & ne sont contables qu'à luy ; les autres confessent que si le Roy ne veut entendre à la

E raison,

raison, nul autre n'a pouuoir de le iuger que celuy là qui a dit qu'il estoit la mesme iustice. Ce seroit chose infinie de recueillir toutes les autorités des Peres sur l'absolu & illimité pouuoir des Roys, & chose impossible d'en trouuer vn qui se soit esgaré de la commune opiniõ; ce qui est d'autât plus merueilleux & auguste pour les Roys, que nous voyons ces grands esprits ce partir ordinairement en contraires auis sur les disputes qui ne concernent pas la foy. Tous ces piliers neantmoins qui s'employent à asseurer la Monarchie, n'ont peu oster l'esperance à quelques temeraires de renuerser sa hauteſſe, & l'aiterer aux pieds de Rome. Je parle de ces escriuains, pour la pluspart hõmes d'Eglise, & ou obligez de bien-faits

faits aux Papes, ou desireux de s'y
veoir vn iour obligez, qui sans re-
specter la venerable antiquité, tes-
moin fidelle de l'autorité des
Roys, voir sans auoir esgard à tant
de Papes, qui ont recognus par
leurs decrets, que leur puissance e-
stoit bornée, & ne s'estendoit pas
sur la tēporalité des Princes, n'ont
point eu de hōte de maintenir que
posseder les clefs du ciel emporte
la souueraineté de la terre; & que
l'vn & l'autre ayant esté donné à S.
Pierre, ses successeurs s'en trouuent
encor saisis; Que le Pape est abso-
lu Prince du monde; que ny le
Christianisme des Roys fidels, ny
l'infidelité des mescreans ne sçau-
roit exempter personne de cette
puissance generale que les succes-
seurs de S. Pierre tiennent de Dieu.

Et que pour cette cause le Pape peut changer les Couronnes, remuer les Estats, deposer les Princes, autant de fois qu'il luy plaira; *tellemēt*, dit l'un de ces discoureurs, *qu'il a peu donner les Indes de l'Orient au Roy de Portugal, celles de l'Occident au Roy de Castille, sans que personne eut cognoissance de ses motifs sur ce sujet.* Cette sorte & damnable opiniō n'a pas eu cours seulement aux siècles de fer, lors que les bonnes lettres estant perdues, vne ignorance comme fatale hebetoit tout l'univers; mais ce qui est plus estrange, ce voit continué aujourdhuy par la successiō des Canonistes, premiers auteurs d'une si grande & importune flatterie. Les impressions de Rome nous fournissent chascue année suiet de souspirs & d'indignation

natiō sur cette dispute, qui ne peut tromper que les simples & ignorans, ny faire rire que les Democrites, qui font vn ieu du malheur & de la rage des humains. Je serois trop long à toucher en particulier vn Bozcius, vn Martha, & semblables noms, indignes de paruenir iusques à la memoire de nos enfans, qui ont employé leur miserable papier en vn si vain & si defaistré suiet. Encores n'est-ce pas cela qui scandalise ou fasche le plus les gens de bien. L'estonnement principal est de voir ces escrits auoués à Rome, dediés aux Papes, demander & impetrer pour leurs maistres le guerdon de leur desbordée & impudente flatterie. N'est-ce pas vne trop grande preuue, que le Pape est protecteur de cette temerité, & cō-

plice d'un tāt seditieuse voix? Nous le voyons formalizer pour tant soit peu qu'on aura defrogé à son spirituel, & n'y a Prince Catholique qui ose autoriser les escrits qui combattent sa puissance Ecclesiastique, cependant qu'il est luy-mesme en paisible possession de maintenir les ennemis des Roys, qui veulent renverser par leurs sophismes ce sacrosaint droit qui esleue les Princes, & leur dōne souueraine autorité dessus leurs peuples. Et neantmoins il ne peut estre que le Pape laisse sans punition l'insolence de ces temeraires, sans en approuuer le dessein; c'est à dire, sans tenir les Princes pour ses vassaux, & leurs seigneuries pour ses prouinces, comme si tous les sceptres & les Couronnes estoient tenues de Rome, & non de

de celuy qui tesmoigne q̄ les Roys reignent par luy. Pleut à Dieu que tant les Papes comme les Princes entendissent à la consequence de cecy . Les vns voireyent qu'ils ne peuuent maintenir cette pretension sans debatre à chasque Prince le droit qu'il a en ses Estats; & les autres, qu'ils ne sçauroyent en conscience souffrir cela, ny s'en taire, sans trahir la liberté de leurs Courônes, & que si le Pontif Romain ne se deporté de ce droit imaginair, il peut estre poursuiuy à oultrance comme ennemi de tous les Estats du monde, sans que ceux qui se bāderont contre luy violent en rien le respect qu'ils luy porteront s'il leur plait entant que Pape.

Les meilleurs esprits de ceux qui se sont vouëz à Rome, pour establir

la temporalité des Papes, ont reconnu les inconueniens qui resul-
toient de cette opinion, & s'en sont re-
tirez plus par semblant q̃ par effect.
Ils protestent donc qu'ils ne tien-
nent pas le Pape pour Seigneur de
tout le monde, qu'ils recognoissent
chascun Prince pour souuerain en
ses Estats, & la iurisdiction de l'E-
glise distincte de la seculiere, non
par l'execution seulemēt, mais par
le droit & la puissance. Queneant-
moins le Pape comme Pasteur de
la bergerie de Christ, peut par oc-
casion, & par voye indirecte, dispo-
ser des Royaulmes Chrestiens, &
en deposseder les Princes ; quant
il iugera qu'il sera bon pour l'vtilité
de l'Eglise de les degrader, & de re-
mettre à leurs suiets le serment de
fidelité, qui les oblige à leur porter
obeis-

obeissance. C'est l'opinion que i'estime q̄ vous tenez, puis que vous vous prenez à vn liure qui la querelle; opinion non moins dangereuse que la premiere, puis qu'elle chasse le Pape de sa pretendue souueraineté par vne porte pour luy en ouurir vne aultre. Car qu'est il de mieux aux Princes si c'est vne directe ou indirecte puissance qui les rend miserables & compaignons de la disgrâce du secōd Dionysius de Syracuse? Encores il semble que l'aigreur de la seconde opinion est plus insupportable, q̄ de la premiere. Veu que si nous tenions les Papes pour Souuerains de toute la terre, les Princes qu'ils despouilleroient de leurs grandeurs, au moins reietteroyent la cause de leur desastre sur le vouloir de leur Seigneur, sans perdre

perdre ensemble & la splendeur de leur pourpre & la reputation d'hōmes de bien. Là où ceste indirecte puissance forclot l'esperoir de telle excuse, puis qu'elle ne se peut estēdre que sur les mauuais Princes & pernicioeux à l'Estat ou à l'Eglise. Car de penser que la pretensio des Papes soit retrainte par cette belle close de puissance indirecte, c'est ce flatter avec trop de peril & trop peu de vrai-semblance. Laissez vos finesses, Messieurs, & confessez que soustenans cette autorité indirecte des Papes, vous concluez à la deposition & condamnation des Princes, autant de fois que le Pape ou irrité en son particulier, ou emporté par l'ambition des aultres Princes, se portera à la rigueur de cette funeste sentence. Vous ne

vous en sçauriez dedire que renō-
çant aux maximes de vostre foy. Ce
n'est à personne (disent les Catho-
liques) à iuger le premier siege, c'est
à dire, le Pontif Romain ; ce n'est à
personne à examiner ou debattre
de l'equité de ses commandemens.
L'infalibilité de son esprit le garde
d'errer au maniement de sa charge.
Quant donc il trouuera bon de de-
poser quelque Prince ; quant il le
declarera par sentence pernicieux
à l'Eglise, les suiets de ce Prince se-
ront ils pas tenus de recevoir le cō-
mandement du Pape, & prester la
main forte à le faire executer ? Ce
sera sacrilege de disputer l'inno-
cence du condamné. Toutes les
ames timorées & religieuses se
lairront aller à la force de cette
conclusion, qu'il ne faut pas ce met-
tre

tre en peine de rechercher les motifs de cette seuerité du Pape, qui n'en est contable qu'à Dieu. De mesme que les officiers de la iustice sont obligez à l'exécution des sentences, sans qu'il leur soit necessaire d'en recognoistre la raison.

Voila la porte ouuerte aux Papes de la plus puissante & plus inique tyrannie qui pouuoit estre desseigné par la mesme ambition : les voila arbitres du monde, & cōme quelques anciens Rois, Princes ensemble & du ciuil & de la religion. La plus grande marque & comme vnique qui est resté de la puissance Imperiale, c'est le pouuoir de mettre en ban les Princes vassaux de l'Empire, quant leur crime ou leur contumace merite ce chastiment. Ce ban priue les condamnez du droit

droit de tous leurs fiefs; met leurs Estats en proye, & leur vie en la misericorde de leurs suiets. Faut il que ie compare l'autorité de l'Empereur sur ses suiets, avec celle des Papes sur tous les Roys Chrestiens qui ne tiennent que de Dieu & de l'espée, & sur l'Empereur mesme, reconnu par les anciës Papes pour leur souuerain & legitime Seigneur? Mais puis que le malheur de nostre siecle nous a conduit à cette comparaizon, quelle difference trouuerez vous entre le ban Imperial & cette sentence des Papes? La peine est esgale aux condamnez, la feuerité pareille, & peu dissemblable la façon d'y proceder. Seulëment les sentences des Empereurs sont de moindre efficace, pource que ne touchant que
le

le temporel elles n'effrayent les amis ou seruiteurs du condamné, qu'entant qu'ils se desfient de leurs armes & ont peur de celles del'Empereur. Mais les censures du Pape voilées de la religion, aydées par ses ministres qui gouuernēt les consciences, sement és esprits du peuple vne crainte bien plus dangereuse, & engourdissent les courages par le venin de leurs scrupules. Oultre q̃ la iustice des Empereurs ne s'estend que sur ses vassaux, grands Princes d'eux mesme, mais petits en cōparaison de puissans Roys. Là où la iurisdiction du Pape, sans aultre borne ou limite que des bouts de la terre, s'estend sur les plus hautes Couronnes, & s'arroge la mesme puissance sur les Empereurs que les Empereurs sur

sur leurs suiets.

Je reuiens encor à dire, que iamais Prince ne disposa de ses officiers avec plus de liberté, que le Pape fera des Roys, si on le laisse en possession de cette puissance indirecte. Vous qui estes né sous vne florissante Monarchie aurez vous pas pitie de vos Princes, qui ne seront grands & heureux que sous le bon plaisir de Rome; ou les mespriserez vous pas, puis que leur felicité est si fressle, qu'une feuille de papier peut renuerser leur throsne, & reduire leur gloire en cendre? Ce n'est pas pour amplifier les choses, & procurer vne enuie à la puissance de l'Eglise. La verité me presse, & les exemples m'enseignent à dire, que le siege des Princes est sur le plus dangereux glissant du monde,

fi

si le Pape le peut faire tresbucher à son plaisir, voilant sa passion du masque de la religion. Si ce n'est que vous me dites que le Pape ne peut faillir en cet affaire; que le S. Esprit est sa guide, qui ne luy souffrira pas de deposer les bons Princes, & se servir de la pieté pour pre-texte à son ambitioū ou à sa cholere. Ou bien si vous n'estes d'aduis que ses sentences contre les Princes soyent suiettes à l'examen; & que les gens d'esprit & de conscience doiuent peser leur merite auant que se laisser conduire à abandonner leur Prince. Il n'y a que l'une de ces deux choses qui puisse vn peu refrener cette desbordée licēce; l'une di-je, que ce foudre ne puisse accabler que les mauuais Princes; l'autre, que les sentences du Pape doiuent

uent estre ratifiées par les gens de bien, qui en esplucheront les causes avec vn iugement meur & exempt de passion. Si vous n'vsez de quelqu'une de ces restrictions, vous serez contraint de cōfesser en termes exprez, ce que vous ne faites encores que par effect; que le Pape peut deposer tel Prince qu'il luy plaira, pour quelque cause que ce soit, voir mesme pour son plaisir; pourueu qu'il dise que le deu de sa charge & la necessité de l'Eglise, luy ont mis ce foudre en main. Les bons Princes, di-je, n'en seront pas exempts, si le Pape peut estre aueuglé en ce suiet; ou s'il n'est permis aux suiets du Prince condamné de s'informer de l'equité de la sentence. Voyons donc si vous voudrez auouer l'un de ces points, ou bien si vous pour-

66 *Replique au S.Coëffeteau,*
rez prouuer l'autre.

De dire que le Pape ne puisse se mesprendre en ces depositions, ni s'emporter à des violences causées par quelque haine particuliere, ce seroit contreuenir à la foy des plus graues & asseurez historiens. C'est toutesfois la pl^e naïfue couleur de quoy vous sçauriez farder cette dāgereuse tyrannie. Prouuez vne fois cela, & vous retrancherez la pluspart des inconueniens qui en resultēt; vous osterez la crainte aux bōs Princes, vous fonderez cette pretention sur la iustice, & ne vous rendrez odieux qu'à ceux qui veulent abuser de leur puissance. Mais pour ne me figurer des Chimeres, & combattre sans aduersaire, ie veux confesser que ie vous tiens pour si sage & si iudicieux, que vous ne sçauriez croire

croire en ce point l'infallibilité du Pape; & aussi pour trop homme de bien pour enseigner aux autres ce que vous mesme ne vous sçauriez persuader : veu que les Iesuites opiniastrs defenseurs du siege de Rome, haussent icy les espaules, recognoissans l'erreur des Papes. Vn des leurs escriuāt au Roy Treschretien pour l'accourcissement de leur Ostracisme, dit, que si leur compaignie se fust retrouvée au temps que Iules 2. fulminoit contre Loys 12. & Iean d'Albert Roy de Nauarre; ces deux Princes n'eussent trouué nulle part plus de foy ou d'obeissance, contre les Bulles du Pape, qu'au corps de leur Societé. N'est-ce pas auouër que Iules 2. auoit tort de deposer ces deux Princes, & que par consequent l'esprit de verité &

de iustice qui assiste les Papes en leurs decrets, leur peut manquer à la decision de cet affaire ? Aussi seroit ce folie d'excuser la passion de tous les Papes, qui ont commencez & maintenus cette puissance. Pour ne parler que de la France : ce fust pour vne querelle particuliere que Boniface 8. vint à cette extremité. Le Roy Philippe le Bel s'estoit offensé de l'audace de son Nonce, & l'auoit fait emprisonner. Boniface, le plus superbe de tous les hommes (c'est ainsi que les historiës l'appellent) tascha de se venger du Roy, & le despouiller de son pourpre: quoy que ce ne fust au Pape, mais à Boniface, ni au siege de Rome, mais à la superbe de son Euesque, que le Roy se fust attaqué. La religion n'estoit pas en controuerse,

les François ne se plaignoyent pas de leur Prince, l'Eglise Gallicane fleurissoit en hōneur & en richesse: & voicy comme vn tourbillon de Rome qui veut accabler le Roy. Rien de cecy ne monstre tant la mauuaise cause de Boniface, cōme la procedure de Clement son successeur, qui declara nulles ses censures, recognoissant Philippe pour fils aîné de l'Eglise, & en la mesme qualité qu'auoit fait Innocent predecesseur de Boniface, sçauoir souverain en ces Estats, sans deuoir à personne conte ou homage de sa temporalité. Vous pourrez aussi peu excuser Iules II, qui se monstra meilleur Capitaine qu'Euesque en ses differens contre la France. Et pour laisser tous les Empereurs qui ont esté persecutés de ce tonnerre,

approuuerez vous la procedure du Pape, qui ayant pour son S. Esprit les inspirations de Charles 5. Empereur, fulmina la sentence de deposition contre nostre Roy Henry 8, & le contraignit à toute force de se bander contre luy? Vn Ambassadeur du Roy estoit desia comme à la porte de Rome, pour addoucir le Pape & promettre toute satisfaction, lors que cette funeste sentence se prononça. L'Ambassadeur reprit son chemin deuers son maistre, qui indigné de ceste iniure, bannit de son royaume cette puissance de Rome, laquelle auoit entrepris de l'en chasser.

Puis donques que vous ne sçauriez nier que les Papes ne se puissent mesprendre, & ne se soyent de fait mespris, en deposant de bons Princes,

Princes, & vtiles à l'Eglise, voyons si vous voudrez au moins auouer cette autre point, qui semble moderer la toute puissance de Rome; asçauoir qu'il soit loisible aux gens de bien d'examiner les causes qui auront meu le Pape à la deposition d'un Prince, & ne se conformer à sa sentēce qu'entant qu'elle sera fondée sur de iustes & pregnantes raisons. Il semble que ce Iesuite le veuille ainsi, qui promet l'assistance des siens au Roy en vne semblable querelle à celle qui a osté la Nauarre à son ayeul. Et neātmoins vous ne sçauriez oultrer ce mot sans desfaire toute vostre ouurage, & embarasser vostre opinion en vn monde de nouuelles absurditez. Mettōs le cas que vous soyez d'accord de n'obeir aux Papes sinon

quant ils se prēdront à de mauuais Princes & dignes de telle correction. Je ne dis rien de cette contradiction qui s'ensuiura, que le Pape soit le iuge supreme en ce qui concerne l'Eglise, & q̄ neantmoins il ayt des controlleurs en ceci que vous dites luy appartenir comme au chef de la religion. Mais si quelques vns iugent que le Prince a meritē cette censure, & les aultres maintiennent son innocence, quel expedient trouuerez vous en cette diuersité d'opiniō? C'est vne chose impossible de recueillir les voix de tous; & quant cela se pourroit faire, la plus grande partie, peut estre, emporteroit la plus prudente. Ferez vous iouir les Princes du priuilege que l'humanité de la loy accorde à tous les criminels en reiet-

tant

rant la punition quant leur innocence est douteuse, & que la plus part de leurs iuges se porte à leur absolutiō? Si vous en estes d'aduis, les Roys auront cause gagnée, qui ne māqueront iamais de gēs pour soustenir leur innocence, & faire cuader les bons Princes par le merite de leur cause, & les mauuais par le benefice de la loy.

Et si ce moyen d'accorder ne vous plait pas, au moins donnez nous en vnaultre. Voici vn royaulme ou vne prouince partie en faction, les vns se rangent avec leur Prince quoy que deposé par le Pape; les aultres se bandent pour de fait luy arracher la Couronne qu'ils croyēt luy estre desia osté de droit. Ni le Roy chef d'une bande, ny le Pape protecteur de l'aultre, seront iuges

iuges idoines à ce proces. Les Chefs du spirituel & du temporel recusez pour iuges, qui determinera de l'affaire, sinon vne guerre sanglante, la demolition des temples, l'embrasement des villes, les meurtres, les violences, & semblables defastres qui affligent vn royaulme sous le malheur d'une guerre, & principalement ciuile? Pour ne parler du mauuais parti auquel le Prince sera rangé, ayant à cōbattre les malcontans de son païs, qui vengeront leurs querelles sous le pretexte de la religion, & tant de peuple de conscience facile & aisée à intimider, qui se lairra conduire aux subtiles & scrupuleuses remonstrances de ces prescheurs; aussi pour ne rien dire de la vëgeance que peut estre, le Prince recerchera contre les temples

fs
z
f-
a
-
s
s
e
-
u
e
ples & leurs ministres. Par ce moyē tout le sacré & le profane mis en butin, la religion troublée, tous les coins de la prouince pleins de sang & de fureur, porterōt tesmoignage contre cette feinte vtilité de l'Eglise, à raison de laquelle vous donnez aux Papes la puissance de deposer les Princes & Roys. Les histoires vous enseignent que ie n'ay rien dit de trop des calamitez qui accablent le monde sous semblables dissentions. Oyez vn homme de qui la vertu a surmonté l'enueie, & la verité ne s'est iamais veu soupçonnée de mensonge. * Il parle des malheurs qui suiuirent la sentence de Gregoire septiesme, qui le premier de tous les Papes vsurpa cette autorité, & en vsa contre l'Empereur Henry quatriesme. *Il me fasche de*

* *Otho Frising. Episc. li. 6. Chron. cap. ult.*

76 *Replique au S. Coëffeteau,*
de raconter, ce dit il, combiẽ de maux,
combien de guerres & de diuers euene-
mens de batailles s'en sont suiuis, com-
bien de fois la miserable ville de Rome
s'est veu assiegée, prise, & pillée, cõme
on a introduit Pape sur Pape de mesme
comme Roy sur Roy. Pour faire court,
le tourbillon de ceste tempeste a esté
rempli de tant de maux, de tant de
schismes, de tant de perils, tant pour le
corps que pour les ames, qu'il semble de-
uoir suffir pour preuue de l'infelicité
des hommes, soit que vous consideriez
la cruauté ou la durée de la persecution.
Voilà le biẽ qu'apporta ceste nou-
uelle iurisdiction des Papes. Ce
fust le premier essay de leur puis-
sance indirecte, funeste à toute l'E-
glise, & condamnée par vn visible
iugement de Dieu.

Mais pour ne nous esgarer de no-
stre

stre demãde, si on est en doute des demerites du Prince; si les vns soustiennent son innocence, & les autres avec le Pape veuillent sa deposition; qui ferons nous iuge d'un procez de si grande consequence? Vous ne voulez pas attendre la sentence de Dieu, souuerain iuge & des Papes & des Roys. Le Roy & le Pape sont forclos, comme d'un iugemēt où il s'agit de leur interest. Il reste que les Estats du Prince cōdamné prononcent en dernier ressort. Vous ne sçauriez inuenter vne responce plus plausible. Mais pour ne rien dire des inconueniens qui s'ensuiuent, comme de la difficulté de les assembler durant semblables troubles, lors que d'un costé ceux qui feront pour le Pape se tenans sur leur preiugé seront retifs à remet-

mettre la question sur le bureau, & d'autre part les gens du Prince s'estimeront trahistres s'ils disputent ou s'ils doutent du bon droit de leur maistre; aussi pour laisser à part cette iniustice, de faire les Princes & Roys iuridiciables à leurs Estats, autant de fois qu'il plaira au Pape de les battre de quelque affront; eux di-je qui sont esleu par le peuple pour estre dessus le peuple, par les Estats pour commander aux Estats, & de qui la puissance est si absoluë, & la prerogative si claire, que Bellarmin n'a sceu trouver vne comparaison plus asseurée pour iustifier les Papes qui ne se veulent rendre contables à l'assemblée des Concils, disant que comme le droit des natiōs exempte les Princes de l'autorité & iugement de
leurs

leurs Estats, sans que cette puissance absolue les face soupçonner de tyrannie ; de mesme les Papes, constitués de Dieu pour chefs visibles de son Eglise, peuuent recuser pour iuges le corps de l'Eglise assemblée en ses Concils, puis qu'on ne trouue pas que le gouuernemēt des Papes ayt esté recommandé à l'Eglise, mais bien celuy de l'Eglise aux Papes. Pour ne conter à rien, di-je, toutes ces difficultez & vn monde d'autres qu'on viroit naistre en ce suiet, posons le cas, que la haine & l'ambition fussent estouffées, les Estats duëment conuoqués (encores vous demanderay-je en passant, par qui ?) & le Prince tout content de subir le iugement de ses suiets. On examinera sa vie ; quelques particuliers, ou bien la
voix

voix publique fera receu en témoignage; les fautes & ses merites seront pesez; & les informations suiuiues d'une sentence qui decidera le tout. Icy i'inuoque vostre iugement, & coniure vostre conscience, de me dire quelle sentence portera coup, ou celle du Pape qui aura iugé du Prince, ou celle des Estats qui auront iugé du Pape. Seront-ce pas les Estats qui auront deposé leur Prince, puis qu'ils le pouuoit absoudre? Ou pour mieux dire, seront-ce pas les enormitez du Prince qui auront desseigné sa ruine à Rome, & renuersé ses desseins au sanctuaire de son temple, c'est à dire, à l'auguste assemblée de ses Estats? Donnez vous en ce cas la qualité de Iuge au Pape, qui pronocera cōme d'une voix morte
&

& sans effect, ou bien d'accusateur; puis qu'à sa delation le corps du royaulme s'assemble, tout autant authorisé de casser la conclusion de Rome comme de condamner son Roy? Ainsi cet opinion vient à plaider pour la puissance du peuple, & fait ployer autant les Papes cōme les Princes, sous la souueraineté de sa domination. Je ne me persuaderay iamais que les seruiteurs bien affectionnez du Pape laissent conduire leur iugement à vne si notable imprudence, que d'assuiettir les Princes au controlle de leurs suiets. Le Pape y auroit sa part, & les Citadins de Rome s'ils se faschoyent de ses façons de faire luy pourroyent abroger sa puissance temporelle, sans violer la reuerēce ni le respect qu'ils portent à sa spiritualité.

Je reprendray tout le discours que ie viens d'employer à la confutation de cette vsurpée puissance, pour vous tirer derechef à la confession de la plus malheureuse maxime contre l'Estat, que iamais ennemy de tout ordre ciuil se scauroit imaginer, ou en vn Labyrinthe d'ineptes contradictions & folles absurditez. Si le Pape peut deposer les Roys & Princes, quant il le iugera necessaire à la conseruation de l'Eglise, il faut q̄ vous auouyēz qu'il peut donner cette sentence à quelle occasion & cōtre quel Prince que ce soit, ou pour son propre interest, ou pour auancer l'ambitiō de ses alliez. Car il sera tousiours en son pouuoir de dire q̄ les Princes sont pernicieux à l'Eglise, contre qui vn desdain, peut estre, vne ven-

vengeance, vne conuoitise l'enflammera; & ainsi pourra vendre les principautez des vns aux autres, changer les formes des Republiques, & estre en tout & par tout vicieux dessus la terre. Voilà cette horrible & pernicieuse maxime ou vostre opinion vous doit conduire, si vous ne vous tenez à vne de ces deux exceptions; Ou que le Pape ne puisse faillir en cecy pour l'assistance de sa foy & infallibilité de son esprit; ou bien que les sentences de deposition soyent suiuettes à l'examen, en quelque celebre iugement. La premiere exception ne dement pas seulement quelques historiens, mais la verité mesme reconnue par vne longue experience; & l'autre renuerse la iurisdiction du Pape, pour y ietter les fondemens

84 *Replique au S.Coëffeteau,*
d'une souueraineté populaire, & de
qualité de Iuge le fait deuenir vn
enuié & horrible accusateur.

l'aurois plus de raison à poursui-
ure cette pointe, que vous à faire
vn grand volume sur la religion
du Roy. Car c'est en ce champ où
vous deuez tirer S.M. si vous osiez
l'affronter, & c'est en ce champ
qu'il faut que nous reuerfions l'au-
dace de tous ceux qui se prendront
à son Aduertissement. Toutesfois
puis que de tresexcellentes plumes
ont pris cett' ouurage à tasche, &
que vous mesme ou de honte ou
bien de crainte, auez caché vostre
opinion sous l'ambiguité d'un long
discours, il me suffira de vous dire,
q̄ les anciē Papes n'ont iamais si a-
uantageusement iugé de leur puis-
sance, que de l'estendre à cette in-
directe

directe authorité dessus les Roys; non seulement les Papes qui ont vescu sous la rigueur des persecutions, ou les autres qui ont fleuri aux quatre premiers siecles de l'Eglise, mais pas vn en la succession de tant d'Euesques, iusques à Gregoire septiesme, plus de mil ans apres la mort de Iesus Christ. Ce qui ne peut estre imputé au deffaut du zele, ou à l'ignorance de ces premiers Peres, moins encor à l'occasion de ietter ce foudre, ou à la force de bien assener vn si grand coup. La sainteté de ces grans hommes, & la profondeur de leur sçauoir fait preuue, qu'ils n'ont pas ignoré, & moins encor dissimulé ce qui estoit de leur puissance. Quant au sujet de la mettre en execution, n'ont ils pas eu, vn Constans, vn Iulian,

vn Valens, & vn nombre d'autres Princes detestables & heretiques, qui ne regnoient plus dessus vne Rome Ethnique, mais dessus vn Empire treschrestien, encores tout humide du sang des martyres, & eschauffé par la memoire de leur constance. L'Empire Romain, c'est à dire, quasi tout ce qui se cognoissoit de la terre habitable, estoit Chrestien. Les armées (qui estoient en possession d'eslire les Empereurs) ne respiroyent que ce saint nom; & neantmoins l'apostasie d'un Iulian, l'Arianisme d'un Valens, & semblables pestes de l'Eglise affligeoyent les Orthodoxes. Croiriez vous biē que les Euesques de Rome, gens d'un sçauoir admirable, & d'une sainteté, qu'on a pour la pluspart estimé digne d'estre canonisée, n'eussent

sent pas eu le courage de s'esleuer
contre vne iniuste tyrannie, ni le
zele d'en affranchir toute l'Eglise?
ou bien que les Chrestiens qui se
laissoient hascher en pieces pour
leur religion, eussent eu les cœurs
& les courages si faillis, que de ne
se point resoudre à executer le iuste
commandement du Pape? Tant de
soldats qui gemissoient sous l'im-
pieté de Constans, & la caute ma-
lice de Iulian, n'eussent ils pas au-
tant aimé perdre leur sang en tirant
celuy de ces meschans Princes, que
d'attendre la cruauté des supplices;
si leus Euesques en eussent esté d'o-
pinion? Ils embrassoyent la doctri-
ne de leurs Pasteurs au despens de
leur vie mesme. Pourquoi donc
eussent ils esté si prodigues de leur
sang pour d'autres points, & pour

cestuy-ci si couïardement timides?
Y auoit-il vn temps plus propre
pour enseigner & effectuer cette
puissance de l'Eglise, que lors que
l'integrité des Euesques de Rome
estoit recognue par tout le monde,
le nombre des Chrestiens infini,
leur zele incomparable, & les Em-
pereurs si pernicioeux à la religion,
qu'ils sembloient estre enuoyez
pour exēple ou de la puissance ou
de la patience de l'Eglise? & neant-
moins ces anciēns ont esté si exactes
en la reuerence qui est deuë aux
Princes temporels, & si bien auisez
à rendre aux Cefars ce qui estoit à
eux, sans rien soustraire de ce qui
appartient à Dieu, que les fantasti-
ques imaginations de nos aduer-
saires n'ont riē trouué en leurs faits
ou en leur doctrine qui puisse faire
ombre

ombre à leur trop descouuerte ambition . Il n'est pas besoin d'armes plus fortes à repousser leur vanité, que de l'exemple de ces bons Peres, & de la pratique de l'Eglise vniuerselle, qui par l'espace de plus de mil ans à tesmoigné qu'elle ne deuoit pretendre autres armes cōtre les persecutions que les larmes & les prieres. Je ne dis rien des foibles materiaux que ces nouueaux Romains mettent en œuvre pour eriger vne si forte tyrannie. Car la souueraineté des Roys estant establie par l'Escripture, & confirmée avec le consentement de tous les Peres, par vne possession de plusieurs siecles, deuoit elle estre battue sinon avec quelque machine, digne de telles munitions? Et neantmoins vous ne trouuez que Bellarmin

90 *Replique au S.Coëffeteau,*
min se soit serui de l'Ecriture,
moins encor de l'autorité des Pe-
res, quant il a esté questiō de main-
tenir cette autorité des Papes.
Tant luy que les autres qui ont sou-
stenu cette puissance indirecte, n'ot
eu recours qu'à la vanité de leurs
sophismes, & à quelques similitu-
des qui ne clochent pas seulement,
mais donnent du nez en terre; sans
considerer que leurs argumens ne
concluans pas demonstratiuement,
peuvent estre refutez en mille sor-
tes, & que les Princes ont leur cause
trop bien fondée pour la perdre à
raison de certaines subtilitez philo-
sophiques, qui ne seroyent pas re-
ceuës en vn simple procez de quel-
que particulier.

Aussi ne voyons nous pas que
les Papes mesmes soient venus ius-
ques

ques à auouër ce point pour article de la foy ; & au contraire leurs canons & leurs epistres decretales portent tesmoignage de la supreme autorité des Princes en ce qui cõcerne le temporel. Contentons nous de cette belle doctrine de tant de Pontifs Romains. Ils disent que les Princes n'ont point de Iuge en terre, quant au tẽporel ; qu'ils sont souuerains & sans contre-rolle en leurs Estats. Commẽt donc seront ils deposez par le Pape ; si ce n'est que nous croyons, que leur oster leurs Courõnes ne touche pas leur temporel, & les declarer indignes de leurs Estats, ne soit acte d'un plus grand qu'eux ?

S.M. recognoissoit assez la ruse dont les fauteurs de cette opinion abusent la simplicité du populaire, faisans

faisans couler ce venin sous le pre-
texte de la spiritualité, & de la puis-
sance d'excommunier les Princes;
faisans, di-je, despendre l'un de l'au-
tre, comme si la force de l'ana-
theme confisquoit les biens de
ceux qui en sont frappez. Et Bellar-
min n'a point trouué de couuerti-
re plus assurée pour se cacher de
la verité. Si ne pouuoit il ignorer
que la prudence du Roy & sa bonté
à ne forcer les consciences, auoit
preueu à toutes ses calōnies. Vous
apprenez de l'Aduertissement du
Roy, que les Estats venans à mou-
ler le serment de fidelité, cause de
toutes ces disputes, auoyent con-
clus, que les Recusans iureroient
que le pouuoir spirituel du Pape
ne s'estendoit pas à pouuoir excō-
munier le Roy. S.M. preuoyant les
trou-

troubles & les scrupules qui pou-
uoient affliger les consciences des
Recusans, fist incontinent rayer ce
trait, ne voulās pas q̄ la religion fust
disputée par ce serment. Ce luy e-
stoit assez, qu'ils iurassent de ne
point adherer aux Papes en leurs
pretensions sur la temporalité des
Princes; ce qu'ils pouuoient en cō-
science, puis que la plus grande
partie des Catholiques est sur la
mesme negatiue, & que ceux-là en-
cores qui donnent aux Papes cette
puissance, confessent ingenuement
que ce n'est pas vne article de la
foy, & que par consequent chascun
est libre d'ensuiure son opinion.
Mais Bellarmin entreprenant de
descrier la pure & legitime inten-
tion du Roy, s'est mis en peine de
prouuer que la force du serment ne
visoit

visoit qu'à la ruine de l'Eglise, & que puis qu'il desnioit au Pape la puissance de deposer S. M. il nioyt par consequence celle de l'excommunier. Voyez comment l'opiniastreté à soustenir les pretensions du Pape ont esblouy le iugement de Bellarmin, & nonobstant toute sa lecture, l'ont porté à vne si lourde faute, qu'à peine on la souffriroit à vn bien grossier nouice, asçauoir de dire que l'excommunication puisse priuer l'excōmunié de ses biens ciuiles, & le forclorre tout ensemble tant de la terre comme des cieux. Ce qui est refuté par le droit, & encores par la pratique des peuples plus scrupuleusemēt religieux. Aussi les priuileges de l'Eglise ne peuuēt rien conceder qui ne soit spirituel, ni les cēsures oster autre chose que
ce

ce qu'elle peut donner. Et pour les cas ou la iustice de l'Eglise est accompagnée de la vëgeance politique, comme aux crimes de l'heresie, de la Simonie, & quelques autres enormitez, ce n'est pas la force de la sentence de l'Eglise qui punit corporellement les condamnez, mais la sainte seuerité des Roys & Princes, qui pour ranger leurs suiets à l'obeissance de l'Eglise, ont defendu sous telles peines de violer ses ordōnances. Monistrez nous donc les Edits par lesquels les Princes ayent soumis leurs Maiestés aux Bulles du Pape, & condamné leur propres fautes à la confiscation de leurs Estats; ou nous permettez de les tenir en conditiō non moindre que leurs suiets, à qui l'excommunication n'oste que la participation des

96 *Replique au S.Coëffeteau,*
des Sacremens.

I'ay de la peine à m'arrester en vne si belle carriere; mais pour ne dire trop d'une chose de quoy vous dites trop peu, ie vous veux seulement auertir que l'ambiguité de vos parolles peut estre suspecte aux Roys; puis que vous donnez aux Papes la mesme autorité pour les chastier, qu'au pere sur ses enfans, & au pasteur sur sa bergerie; cetuy-cy pouuant desheriter ses mauuais enfans, & l'autre faire mourir les bestes infectes ou dommageables de son troupeau.

Après la defence des Papes, vous vous portez pour le Clergé, taschant d'addoucir la creinte & le soupçon qui le peut rendre odieux aux seculiers. Vous recognoissez l'importance de ce point que S. M.
remonstre

remonstre aux Princes; asçauoir,
 q̃ le Clergé est vne puissante faction,
 qui ne recognoissant point les Roys, &
 viuant dans leurs terres, est capable de
 renuerser leur Estat. Ie me plaignois
 tantost de vous, pour ne pouuoir
 assez entendre vostre opinion sur
 la puissance des Papes; maintenant
 ie souhaitteroie pour vostre hon-
 neur, que vous vous fussiez enue-
 loppé encor vn coup dedans le la-
 byrinthe de vos ambiguites ou e-
 quiuoques; sans franchir du tout le
 fault qui pour vous faire bon su-
 iet vous rend suspect en vostre reli-
 gion. Vous dites donc que les Ec-
 clesiastiques estant membres des Re-
 publiques où Dieu les a fait naistre, re-
 cognoissent, comme se sont personnes
 raisonnables, que mesmes en conscience
 ils sont obligez aux loix ciuiles, &

H

qu'ils

98 *Replique au S.Coëffeteau,*
qu'ils ne les peuuent violer sans offence
non plus que les autres. Auriez vous
bien l'assurâce d'en escrire autant
à Rome, ou seulement le front de
maintenir à Paris que le Pape le
croit ainsi? Ne vous fiez vous pas
trop à l'ignorance du lecteur, croy-
ant que personne ne s'amusera à
vostre liure qui ait leu les Casuistes
de ce temps? Si Bellarmin se fust
rangé à vostre auis, le Roy n'eut
pas eula peine d'employer sa plu-
me à ceste graue remonstrance; &
encores si le Pape le veut signer, le
voila d'accord avec S.M. sur vn des
plus grands & mal-aisez points
de leurs differents. Mais vous ne
sçauriez attendre qu'une reproche
de Bellarmin, qui dira que pour
vous monstrier bon seruiteur aux
Princes, vous vous estes porté en
homme

homme peu affectionné à vostre
Eglise. Car c'est vne chose trop
claire, que la commune opiniõ des
Casuistes * est entierement contre-
pointée à ce q̄ vous en auez escrit.
Non que ie debate contre vous la
verité de vostre opinion. Je recog-
nois que vous estes au bon che-
min, & que ceux-là qui haussent
plus les priuileges de l'Eglise, ne
seruent qu'à les exposer plus dan-
gereusement à l'enuie des seculi-
ers. Je suis d'accord avecque vous
que les priuileges du Clergé sont
emanez nō de la puissance du Pape
(qui luy mesme estoit suiet à ses
Empereurs) mais de la liberalité
des Princes. Bellarmin luy mesme
(quoy qu'il se veuille reuolter de sō
opinion) fait pour nous au premier
Tome de ses Controuerses. Les im-

* Vide Na-
uar. Azor
Bellarm. &
passim alios

100 *Replique au S.Coëffeteau,*
munitex des Ecclesiastiques, ce dit il,
tât pour leurs personnes que pour leurs
biës, sont introduites par les loix civiles
& non par le droit diuin. Au temps
mesme que la nouuelle pieté des
Empereurs fleurissoit le plus, en
tesmoignages de leur deuotiõ, les
Clercs ressortissoient au iugement
seculier. Le commencement de
leurs priuileges fust qu'on ne les
peut contraindre à administrer au-
cun magistrat, ni à gerer vne tutele.
Constantin le Grand, autheur de
cette immunité y adiousta quelque
temps depuis, qu'ils fussent excu-
sez de toute charge & office du
public. Trente six ans apres Con-
stantius & Constans priuilegierent
les Euesques de ne respondre en
procez criminel deuant les Iuges
seculiers, les autres Clercs & les
Moines

Moines demeurans tousiours sous la iurisdiction du Magistrat : tellement que Leo & Anthemius qui regnerent long temps depuis , concederēt de grace speciale aux gens d'Eglise , qu'ils ne peussent estre contrainsts par force d'aucune sentence à plaider hors de la prouince où ils auoyent leurs domiciles. Quelque soixante ans apres , Iustinian les affranchit du parquet seculier, les renuoiant à leurs Euesques tant pour le criminel que le ciuil. Voilà comment le Pape & le Clergé s'est veu honoré de tresexcellentes prerogatiues, qui ne seruent pas dauantage à la preuue de leur liberté que de leur subiection aux Roys & Princes. Veu que les anciens Empereurs, Princes tres-zelez à la religion, n'eussent iamais

presumé ou de les tenir sous leur iustice, ou de les en exenter cōme par vne grace speciale, s'ils eussent creu que la dignité de leur ministere les eut affranchi de la domination ciuile. Les Euesques aussi eussent refusé cette tant dōmageable grace, qu'ils ne pouuoient accepter sans confesser qu'ils estoient suiets au Prince, qui par priuilege les exemptoit tantost d'une charge tantost d'une autre. Qu'ils soyent donques affranchis selon que les Empereurs (à qui les Roys d'aujourd'huy succedent) ont entēdu; que le Clergé soit iugé par son Euesque; qu'on ne le moleste ni par tutele ni par autre charge publique; qu'il vaque au seruice de Dieu, respecté des gens de bien, & honoré de belles & grandes immunitéz.

Mais

Mais (pour ne disputer de la puissance des Princes à reuoquer les priuileges du Clergé) puis que leur franchise est fondée sur les cōstitutions expressees des Rois & des Empereurs , il faut auouër qu'ils ne sont exents d'aultres choses que de celles dont nommement leur priuilege les affranchit. Qu'ils trouuent donc quelque loy qui les exente du droit commun, ou qu'ils confessent qu'ils demeurent suiets du Prince, obligez en conscience à ses edits & à la conseruation de son Estat. Et de vray quelle apparence que ces Empereurs ayent esté si despourueux de prudēce & de sens commun, que de ietter leurs Couronnes en vn danger que vous mesme recognoissez pour extreme, affranchissans de leur obeissance

bonne partie de leurs suiets, qui iouissans des meilleurs & plus grasses possessions de leurs prouinces, sont capables de former vn parti, & se bander contre l'Estat, voir sans blesser leurs consciences, puis qu'ils ne doiuent rien ny à l'Estat ny à son Prince.

Le bon seruice que la Noblesse a rendu à ses Princes se voit en plusieurs lieux recompensé par semblables prerogatiues; ne respondant pas à mesmes Iuges que les roturiers, & exente des subsides & impositiōs publiques. Qui sera si mal entendu, que d'estendre ces priuileges de la Noblesse à vne franchise absoluë, comme si elle ne deuoit plus rien au Prince, pource que de sa grace elle luy doit moins que le reste de ses suiets ? Les Ecclesiastiques

ques aussi ne doiuent presumer autre chose de leur grandeur, sinon qu'ils sont les principaux membres de l'Estat, & tenus de se monstrier d'autant plus humbles & affecti-
onnez suiets à leur Prince, comme ils luy sont plus obligez par toute sorte de bienfaits. Le vous querelle donc icy, non pour soustenir vne faulse opinion, ou pour auoir embrouillé vos parolles en la perplexité de quelques equiuoques; mais pour auoir trop brusquement accordé au Roy, que les Ecclesiastiques demeurent suiets au Prince en l'Estat duquel ils viuent. Faisant par ce moyen croire aux ignorans, que S. M. a eu grand tort de dire que c'est l'opinion commune du Clergé, que les Ecclesiastiques par la vertu & preeminance de leur ordre,

dre, sortent de toute subiection ciuile, de l'obeissance des loix politiques, & de tout ce q̄ les suiets doiuent aux Roys : est-ce à tort que le Roy se formalise pour tous les Estats Chrestiens qui ont interest à vne affaire si importāt & si cōmun, comme de ne souffrir au milieu de leurs entrailles vne puissante factiō née sous leur obeissāce, & enrichie de leur liberalité, se vanter d'vne si grande frāchise, & ne cognoistre à Prince que le Pontife Romain ? Si c'est sans dissimulation q̄ vous protestez de croire, que le Clergé demeure en la subiection ciuile, vous deuies dire, q̄ la crainte du Roy est biē fondée; & que vous estes d'auis q̄ tous les Princes se facent recognoistre pour souuerains par les Ecclesiastiques de leurs Estats ; que
quant

quant à vous reiettant l'opinion cō-
mune des Canonistes & Theolo-
giens qui escriuent dedans Rome,
vous tenez q̄ le Clergé demeure en
la subiectiō des Princes & est tenu,
non par bien seance seulemēt, mais
en conscience, d'obeir à ses edits.

Mais pour retourner aux Papes,
& suiure l'ordre de vostre liure, exa-
minons vostre responce sur les dif-
ferents des Roys & des Papes, que
le Roy a couché en son Aduertisse-
ment. Vous dites, qu'en toutes ces
querelles il ne s'agissoit que du tē-
porel; que tant nos Roys comme
ceux de France qui ont esté en mau-
uais mesnage avec les Papes, les
ont neātmoins recognus pour leur
Peres spirituels, & supremes chefs
de l'Eglise. Et ie vous demande,
Monsieur Coëffeteau, si vous n'e-
stimez

stimez pas que ce soit vne querelle
fondée sur le temporel, qui a esmeu
ce differēt entre le Roy & le Pape.
Je me lasse de redire, & vous peut
estre d'entendre si souuent, que la
question pour laquelle S. M. s'est
formalisée contre le Pape, n'a esté
autre que de la souueraineté des
Roys, laquelle le Pape veut indire-
ctemēt soumettre à soy, & au con-
traire S.M.la prouuer franche & in-
dependente de toute puissance hu-
maine. Et pour monstrier que ce
n'est pas chose nouuelle aux Roys
de rembarrer les pretentions des
Papes, le Roy (cōme il tesmoigne
par mots exprez) a fait cette colle-
ction d'exemples qui prouuēt qu'a-
uant qu'il fust question du change-
ment de la religion, les Roys quoy
que zelez à l'Eglise Romaine, n'ont
point

point fait de conscience de s'opposer aux Papes pour la manutention de leur souueraineté. Ce q̄ S. M. en infere, est q̄ ce qu'il en fait aujourd'huy ne doit estre trouué estrange, ny moins digne de la faueur de la vieille que de la nouuelle religion. Ouy, Monsieur Coëffeteau, il estoit question du tempotel entre les anciens Roys & les Papes de leur temps; & puis que la mesme dispute s'est rencontré en nos iours, vous auez tort de croire que S. M. se soit mesprise, de nous en rafraichir l'exēple, & en tirer vn preiugé.

Vous entrez maintenāt sur d'autres ayres, pour esplucher la confession de foy couchée ingenumēt par vn Roy qui n'aura iamais la reproche de dissimuler ou de feindre sa creance. C'est icy que vous vous estendez

estendez le plus, estimant de répondre à l'Aduertissement du Roy, en vous attaquant à sa religion. Mais ie me contenteray de vous auoir ci dessus auerti q̄ vous vous mesprenez bien grossierement en tirant les matieres de l'Estat en controuersé de la foy. Aussi lairay-je cette partie de vostre liure, pour ne contrefaire du Theologien. Quoy que ie ne me puis taire de ce mot de sacrifice, que vous pressez, par l'autorité des plus anciens Peres de l'Eglise. N'estimez pas sa Maiesté si peu versée en leur lecture, que d'ignorer ce terme leur estre quasi cōmun, quant il est question de la sainte Eucharistie. C'estoit à vous de prouuer que ces Docteurs n'ont pas vsé de ce mot figuratiuement, & par vne espece de similitude ou metaphore,

(ce

(ce qui est maintenant en contro-
uerse) & non pas d'emplir vn nom-
bre de pages à nous citer leur sen-
tences, ausquelles sa Maiesté ne
querelle que l'interpretation.

Et quant à la deffence que vous
dressez pour les Papes, disant que
l'Eglise *deteste tout violent espan-
chement de sang, particulièrement
les attentats contre les Princes*; c'est à
mon regret qu'on peut obiecter
des exemples si funestes & si nou-
ueaux. Il n'y a que 38. ans depuis
l'orage de la S. Barthelemy, que
20, du panegirique de Sixte V. à
la louange de vostre confrere Iac-
ques Clement; & tout ce siecle a
abhorré les cruautez dont on a es-
puisé les Indes en croyant peupler
l'Eglise. Le Pape (car c'est luy que
vous entendez par l'Eglise) se fut
purgé

purgé de ses violences , au moins
s'il s'en fust offensé.

Vous venez aux charmes & for-
celleries, & si i'oze dire la verité,
ce dites vous , il n'y a que la seule
Eglise Catholique qui face la guerre
aux sorciers & enchanteurs, avec les-
quels il semble que toutes les autres
sectes ont de l'intelligence . Et moy
si i'oze dire la verité , ie diray, qu'il
n'y en a point en vos paroles. Vous
dementez la pratique & l'experiëce
du monde. Si ceux de la religion
n'ont pas persecuté les sorciers en
France, aussi se sont ils veu plus sou-
vent empeschez à fuir le feu, que
de loisir à y attacher les coupables.
Mais l'Angleterre & l'Escoffe, Dä-
nemark, Suede, Allemagne (voir
mesme Geneue vostre voisine) se
sont montrez autant seueres contre
ces

ces pestes, comme vous les calomniez d'une sacrilege douceur. Les Iustices de la grand Bretaigne font preuue du deuoir qu'on a rendu iusques à maintenant pour exterminer vne si detestable vermine, & vous accusent ou d'ignorance ou d'iniustice, à blasmer leur diligēce. Vos protestations aussi sur l'integrité & les benedictions des Agnus Dei ne pourront iamais faire que le Roy ne sache bien que les Iesuites ont enseigné & maintenu par toute l'Escoffe, que la force de cette cire benite seruoit comme miraculeusement à esteindre toute sorte d'embrasement. Car quant à ce q̄ vous dites, que *les benedictions qu'on leur donne, ce font avec la parole de Dieu qui sanctifie les creatures*, c'est vne foible deffence, & indigne d'e-

estre employé à ce suiet. De quoy donc sont composez les charmes & quels dictōs ce retrouuent parmi les billets & caracteres, sinon le nom de Dieu en Hebrieu, vne piece de l'Euangile de Saint Iean, ou quelque autre motet de l'E scriture? Voire la pluspart de tous les sorts ne prennent ils pas leur force de quelque chose sanctifiée, cōme des images, de l'eau benite, & de tout ce que vous tenez le plus sacré? Le Diable mesme pour colorer ses fauces apparitions, & se glisser dans la creance, & puis dedans les corps des simples, ne vse-t'il pas de cette ruse, commendant tantost vn pelegrinage, tantost vne ieune, & puis demandāt des Messes aux Eglises plus signalées? Et si les coniurations ne se peuuent faire aueque des saintes paroles

paroles, comment se nouë l'esguillette à certains mots que le Prestre prononce à la celebration du mariage? Cerches donc autre defence pour maintenir les Agnus Dei, plus honneste que celle-cy par laquelle on pourroit mesme defendre toutes les plus grandes & plus horribles forcelleries.

Mais il n'y a rien, ce dites vous, que nous disions estre propre pour empescher l'effect des harquebuzades ou du canon. Aussi n'at ce pas esté l'intention du Roy de dire que l'Eglise auouë cela pour sa doctrine, mais bien ce plaint-il de sa pratique, l'estimant trop lasche à punir ceux-là qui se laissent aller à semblables superstitions; disant que l'impunité est vne espece de conuiuence, & que ceux qui ne desracinnent pas

l'erreur par seuerité, le plantent par nonchalance. Il ne se peut nier que beaucoup de chemises & autres telles choses benites à Rome n'ayent esté portées par gens de qualité, avec vne ferme creance que cela les garantiroit contre les espées ou les armes à feu, voir mesme contre le foudre. Vn Seigneur de qualité, & tresferuent Catholique a auoué au Roy qu'il s'estoit laissé persuader cette niaiserie, se munissant toujours de semblables preseruatifs, iusques à ce qu'il vit vn autre garni de telle prouision, tué deuant ses yeux, contre la foy qu'il auoit en sa chemise. Encores sont en vie quelques suiets du Roy, zelez Catholiques, & dont l'vn se vante d'auoir esté persecuté toute sa vie à cause de sa religion, qui ont offert à sa

Maie-

Maiesté de telles bagatelles pour la
preseruation & assurance de sa
personne.

C'est donc de la pratique de l'E-
glise qu'il se plaint; comme aussi
n'entend il pas de se prendre aux
fautes particulieres de chascun Pre-
stre, qui violant ses vœus de cha-
steté se desborde en toute sorte de
luxure; mais bien aux ordonnances
qui punissent avec plus de rigueur
vn Ecclesiastique qui se voudra lier
par mariage, que les autres qui s'e-
mancipent à leur sensualité.

L'ay reserué pour la fin de ce dis-
cours vn endroit de vostre liure, où
il semble que vous vouliez sortir de
la modestie & du respect avec le-
quel vous protestez de vouloir
traicter le Roy. *Mais Sire*, ce dites
vous, *qu'il me soit permis de vous fai-*

118 *Replique au S.Coëffeteau,*
re ressouvenir de vostre candeur. Cy
dessus vous protestiez à tous les Prin-
ces Chrestiens de vouloir suivre la do-
ctrine des Peres des quatre & cinq
premiers siecles, & maintenant qu'il est
question du point que vous pressez le
plus, maintenant, di-ie, qu'il est que-
stion de prouuer que le Pape est Ante-
christ, vous reiettez ce qu'ils ont escrit
sur l'Apocalypse, par ce qu'ils sont con-
traires à vostre opinion. Est-ce donc
traitter iustement vos parties? Mais
est-ce pas trop hardiment parlé à
vous, de dire que le Roy se soit ou-
blié de sa candeur, & qu'il traite ses
parties avec iniustice? Le veux
croire que cette parole vous est es-
chappée, & ce sera assez pour ce
coup, qu'il me soit permis de vous fai-
re ressouvenir de vostre modestie.
Mais pour monstrier que c'est à tort
que

que vous appelez à la candeur du Roy, ie veux demander à la vostre, s'il ne faut pas distinguer entre les articles de la foy accordez & resolus par la doctrine commune des Peres, & les points douteux & obscurs des Propheties, en l'explication desquels nous voyons ces Docteurs non seulement ne s'accorder entre eux, mais à peine vn qui en diuerfes escriis ne varie d'opinion. Le Roy ne proteste sa conformité aux anciens Peres, qu'aux articles dont ils ont esté d'accord ensemble, & qui ont esté sans contradiction approuuez par plusieurs siecles. Mais il s'agit icy d'interpreter l'Apocalypse, prophetie tresobscure, & sur laquelle il est loisible à tous Chrestiens de s'imaginer diuerfes sens, & y appliquer ses coniectures,

iectures, pourueu qu'elles ne soyent pas contraires à l'analogie de la foy, veu mesme qu'entre les Peres à peine y en a il deux qui s'accordent sur ce suiet.

Voila, Monsieur Coëffeteau, ce qui m'est venu au deuant à la premiere lecture de vostre liure. Si i'y rencontre autre chose qui merite la responce, ie vous le feray sçauoir, si la diligence de quelques meilleures plumes ne me deuanee.

FIN.

